

## ADMINISTRACIÓN LOCAL

### MUNICIPAL

#### CORUÑA, A

##### Persoal

*Anuncio publicación modificación das bases específicas aprobadas para a cobertura dunha praza de inspector/a principal da policía local (subgrupo A2), pola quenda de promoción interna, C.E.18/23*

##### ANUNCIO

O concelleiro delegado responsable de Economía e Planificación Estratéxica, por delegación da Xunta de Goberno Local, con data do 8 de maio de 2026, adoptou a seguinte resolución:

**Primeiro.-** Modificar a redacción da base 8.2, relativa ao curso selectivo, das bases específicas para a cobertura, pola quenda de promoción interna, dunha praza de inspector/a principal da policía local (subgrupo A2), da escala de administración especial, subescala servizos especiais, aprobadas mediante Resolución do Concelleiro delegado responsable de Economía e Planificación Estratéxica, por delegación da Xunta de Goberno Local, de data do 23/03/2026 (BOP núm. 57 do 26/03/2026), no seguinte senso:

Onde di:

*“De conformidade co artigo 51 do Decreto 15/2023, do 12 de xaneiro, polo que se desenvolve a Lei 4/2007, do 20 de abril, de coordinación de policía locais, só estarán dispensadas de realizar o devandito curso aquelas persoas que xa o superaron con anterioridade na Academia “8.2 Concluído o proceso selectivo, as persoas aspirantes que o superasen e acrediten en prazo, salvo causa de forza maior, o cumprimento dos requisitos esixidos na correspondente convocatoria, ou que da consulta dos datos das súas solicitudes ás Administracións Públicas resulte acreditado o cumprimento dos devanditos requisitos, serán nomeadas persoal funcionario en prácticas na praza obxecto desta convocatoria mediante resolución da autoridade competente, cos dereitos e deberes que legalmente lles corresponden, situación na que desenvolverán o curso selectivo de formación na Academia Galega de Seguridade Pública. A superación do devandito curso constituirá requisito indispensable para acceder á condición de persoal funcionario de carreira na nova categoría.*

*Superado o curso selectivo, a Academia Galega de Seguridade Pública emitirá informe nestes termos, de xeito que poida procederse ao nomeamento como persoal funcionario de carreira e á toma de posesión no posto correspondente.*

*A adxudicación da praza á persoa aspirante que supere o proceso e o curso selectivo efectuarase de acordo coa puntuación sinalada na base 7.”*

Debe dicir:

*“8.2 Concluído o proceso selectivo, as persoas aspirantes que o superasen e acrediten en prazo, salvo causa de forza maior, o cumprimento dos requisitos esixidos na correspondente convocatoria, ou que da consulta dos datos das súas solicitudes ás Administracións Públicas resulte acreditado o cumprimento dos devanditos requisitos, serán nomeadas persoal funcionario en prácticas na praza obxecto desta convocatoria mediante resolución da autoridade competente, cos dereitos e deberes que legalmente lles corresponden, situación na que desenvolverán o curso selectivo de formación na Academia Galega de Seguridade Pública. A superación do devandito curso constituirá requisito indispensable para acceder á condición de persoal funcionario de carreira na nova categoría.*

*O curso selectivo terá unha duración mínima de 250 horas, terá carácter presencial, en porén poderase desenvolver na modalidade semipresencial, que non excederá do 50% da carga horaria do curso. O dito curso terá como mínimo os módulos operativo, xurídico, técnico, administrativo, de comunicación ou dirección de equipos, ademais do módulo práctico e de igualdade e loita contra a violencia de xénero. Ademais, contará cun módulo de xestión directiva e outro de estratexias e técnicas de mando.*

*Serán requisitos necesarios para a superación deste curso selectivo que o alumnado asista ao 90 % como mínimo das horas lectivas, que aprobe os exames ou que se lle avalíen positivamente os traballos ou probas que se determinen en cada curso, e que obteñan tamén unha valoración positiva do seu comportamento e actitudes no período de formación, de conformidade coa normativa do centro.*

*Superado o curso selectivo, a Academia Galega de Seguridade Pública emitirá informe nestes termos, de xeito que poida procederse ao nomeamento como persoal funcionario de carreira e á toma de posesión no posto correspondente.*

*De conformidade co artigo 56 do Decreto 15/2023, do 12 de xaneiro, polo que se desenvolve a Lei 4/2007, do 20 de abril, de coordinación de policía locais, só estarán dispensadas de realizar o devandito curso aquelas persoas que xa o superaron con anterioridade na Academia Galega de Seguridade Pública.*

*A adxudicación da praza á persoa aspirante que supere o proceso e o curso selectivo efectuarase de acordo coa puntuación sinalada na base 7."*

**Segundo.-** Publicar a devandita modificación no BOP e na páxina web do Concello da Coruña (<https://www.coruna.gal>). Esta modificación non supón unha alteración no prazo de presentación de instancias, xa que non prexudica os dereitos de ningún terceiro, nin supón a necesidade de achega de nova documentación, remitíndose ó disposto na normativa específica aplicable aos corpos da Policía Local.

**Terceiro.-** De acordo co previsto na Lei 39/2015, do 1 de outubro, do Procedemento Administrativo Común das Administracións Públicas, e na Lei 29/1998, do 13 de xullo, reguladora da Xurisdición Contencioso-Administrativa, contra a presente resolución, que pon fin á vía administrativa, poderá interpoñerse, con carácter potestativo, un recurso de reposición no prazo dun mes ante o mesmo órgano que a ditou ou un recurso contencioso-administrativo no prazo de dous meses ante o órgano competente da xurisdición contencioso-administrativa contados a partir do día seguinte ao da publicación da disposición impugnada ou ao da notificación ou publicación do acto que poña fin á vía administrativa. No caso de interpoñer un recurso de reposición, non se poderá interpoñer un recurso contencioso-administrativo ata que aquel sexa resolto expresamente ou se produza a súa desestimación presunta.

A Coruña, 14 de maio de 2026

A XUNTA DE GOBERNO LOCAL, RD.

Concelleiro delegado responsable de Economía e Planificación Estratéxica

José Manuel Lage Tuñas

2026/3342